

75.

Die Grafen Heinrich (XX.) und Günther (XXIX.) von Schwarzburg, Herren zu Arnstadt und Sondershausen, schließen mit Landgraf Balthasar ein ewiges Bündniß. Eisenach, 1383 Juli 28.

Hdschr.: Or. Perg. Hauptstaatsarchiv Dresden No. 4412. Die beiden SS. an Pergamentstreifen.

5 Wir Henrich unde Gunther gebrudere von gotes gnadin graven von Swarczborg herren czu° Arnstet unde Sundershusin bekennen unde tûn kûnt an disim brive, [1] daz wir uns unde unsir erbin mit gutem vorrate unde wißin unsir heimelichin unde liebîn getruwen mit dem hochgeborenen fürstin hern Balthazar lantgraven czu° Dorfingin unserm liebîn gnedigin hern unde sinen erben fruntlichen uf eynen ganczen grunt ewiglichin unde
10 erblichin vorbûndin unde vorstricket habin unde vorbînden uns ouch czu° om̄ an desim brive, also daz wir unde alle unsir erbin bi om̄ unde sinen erbin ewiglichin unde erblichin mit allen unsern slozzin, landen unde lutîn bliben sÛllin, unde wir noch unsir erbin sÛllin uns nummer mit nÿmande wedir on, sinen erbin noch herschaftin czu° schadin voreynen noch vorbinden, daz wedir diz vorbuntniße gesin ader diz vorbunteniße gekrenken ader
15 gebrechin moge, ane argelist. [2] Unde wir unde unsir erbin sÛllin om̄ unde sinen erbin getruwelichin mit alle unsir macht, sloßin, landen unde lutin behulffin sin wedir ydermellichin nymandez usgenomen, wy dicke sie dez bedorffin, ane allirleye argelist unde geverde. [3] So sal unde wil er unde sine erben uns unde unsir erben schÛczin, ver-
20 getruwelichin weder ydermellichin nymandes usgenomen, ane allirleye argelist unde geverde. [4] Wir sÛllin oÛch alle ere hern, er manne unde alle di eren bi allem rechtin laßin unde sie in keyne wiz vorunrechtin ane geverde. So sullin unde wollin sie uns, unsir erbin unde alle di unsern bi allen rechten, eren, werdin unde friheiten laßin, alz wir bizher geseßin habin, unde in keyne wiz vorunrechten ane geverde. [5] Uz desim vor-
25 bunteniße czihin wir unde slizzen daz heilige Romische rich, den allirdorchluchtigestin fürstin hern Wenczelañ Romischen konig unde konig zu° Beheimen, dÿ hochgeborenen fürstin hern Wilhelm, Frederichin, Wilhelm unde Iôrgin marcgraven czu° Mißin unser lieben gnedigen hern, wedir dy° wir on nicht verbunden noch behÛlffen sin wÛllin von desiz vorbuntnißes wegin an *sulchen^{a)} sachin, daz sie selbinz, ere herschaft, land unde
30 lute eygentlichin aneruret unde trifft. Daz wir alle vorgeschreben rede, stÛcke unde artikele stete unde gancz unvorbruchlichen halden wollin ane argelist unde geverde, daz globen wir unde haben globet in guten truwen an eidez stat. Unde haben dez czu or-
kÛnde unser insegele an desin brif gehangen. Gegeben czu° Ysenache am dinstage noch sente Iacobi tage noch Cristi gebort driczen hundert iar in dem drÿ unde achczigestin iare.